

禪宗正脈卷第十三

賞三

青原 曹洞宗

洞山良价禪師幼歲從師念般若心經至
無眼耳鼻舌身意處忽以手捫面問師
曰某甲有眼耳鼻舌等何故經言無其
賞三師駭然异之曰吾非汝師即指往五泄
山禮默禪師披剃年二十二詣嵩山具
戒(頌)首謁南泉值馬祖諱辰修齋泉問
衆曰來日設馬祖齋未審馬祖還來否
衆皆無對師出對曰待有伴即來泉曰

永樂北藏

禪宗正脈

參漢山無語話

此子雖後生甚堪雕琢師曰和尚莫壓
良為賤翻次叅馮山問曰頃聞南陽忠
國師有無情說法話某甲未究其微馮
曰闍黎莫記得麼師曰記得馮曰汝試
舉一徧看師遂舉僧問如何是古佛心
國師曰牆壁瓦礫是僧曰牆壁瓦礫豈
不是無情國師曰是僧曰還解說法否
國師曰常說熾然說無間歇僧曰某甲
爲甚麼不聞國師曰汝自不聞不可妨
他問者也僧曰未審甚麼人得聞國師

第一九三冊

曰諸聖得聞僧曰和尚還聞否國師曰我不聞僧曰和尚既不聞爭知無情解說法國師曰賴我不聞我若聞即齊於諸聖汝即不聞我說法也僧曰恁麼則衆生無分去也國師曰我爲衆生說不

爲諸聖說僧曰衆生聞後如何國師曰即非衆生僧曰無情說法據何典教國師曰灼然言不該典非君子之所談汝豈不見華嚴經云刹說衆生說三世一切說師舉了瀉曰我這裏亦有祇是罕

遇其人師曰某甲未明乞師指示瀉賢起拂子曰會麼師曰不會請和尚說瀉曰父母所生口終不爲子說師曰還有與師同時慕道者否瀉曰此去澄陵攸縣石室相連有雲巖道人若能撥草瞻

賞三

二

風必爲子之所重師曰未審此人如何瀉曰他曾問老僧學人欲奉師去時如何老僧對他道直須絕滲漏始得他道還得不違師旨也無老僧道第一不得道老僧在這裏師遂辭瀉山徑造雲巖

家善

探鷲

舉前因緣了便問無情說法甚麼人得
聞巖曰無情得聞師曰和尚聞否巖曰
我若聞汝即不聞吾說法也師曰某甲
爲甚麼不聞巖豎起拂子曰還聞麼師
曰不聞巖曰我說法汝尚不聞豈况無
情說法乎師曰無情說法該何典教巖
曰豈不見彌陀經云水鳥樹林悉皆念
佛念法師於此有省乃述偈曰也大奇
也大奇無情說法不思議若將耳聽終
難會眼處聞時方得知○師問雲巖某

探鷲

賞三

三

甲有餘習未盡巖曰汝曾作甚麼來師
曰聖諦亦不爲巖曰還歡喜也未師曰
歡喜則不無如糞掃堆頭拾得一顆明
珠●師辭雲巖巖曰自此一別難得相
見師曰難得不相見●師臨行又問百
年後忽有人問還邈得師真否如何祇
對巖良久曰祇者是師沉吟巖曰价闍
黎承當個事大須審細師猶涉疑●師
因過水睹影大悟前旨有偈曰切忌從
它覓迢迢與我疎我今獨自往處處得

逢渠渠今正是我我今不是渠應須恁麼會方得契如如●師因供養雲巖真次僧問先師道祇這是莫便是否師曰是曰意旨如何師曰當時幾錯會先師意曰未審先師還知有也無師曰若不

知有爭解恁麼道若知有爭肯恁麼道○師自唐大中末於新豐山接誘學徒厥後盛化豫章高安之洞山權開五位善接三根大闢一音廣弘萬品橫抽寶劍剪諸見之稠林妙叶玄通截萬端之

雲巖

穿鑿又得曹山深明的旨妙唱嘉猷道合君臣偏正回互由是洞上玄風播於天下故諸方宗匠咸共推尊之曰曹洞宗○師因雲巖諱日營齋僧問和尚於雲巖處得何指示師曰雖在彼中不蒙指示曰既不蒙指示又用設齋作甚麼師曰爭敢違背它曰和尚初見南泉爲甚麼却與雲巖設齋師曰我不重先師道德佛法祇重他不爲我說破曰和尚爲先師設齋還肯先師也無師曰半肯

半不肯曰爲甚麼不全肯師曰若全肯即孤負先師也評頤僧問寒暑到來如何回避師曰何不向無寒暑處去曰如何是無寒暑處師曰寒時寒殺閹黎熱時熱殺閹黎上堂還有不報四恩三

賞三

四

有者麼衆無對又曰若不體此意何超始終之患直須心心不觸物步步無處所常無間斷始得相應直須努力莫閒過日師與泰首座冬節喫果子次乃問有一物上拄天下拄地黑似漆常在

女僧不

動用中動用中收不得且道過在甚麼處泰曰過在動用中同安別師喚侍者撥退果卓有僧不安要見師師遂往僧曰和尚何不救取人家男女師曰你是甚麼人家男女曰某甲是大閩提人

鹿

家男女師良久僧曰四山相逼時如何師曰老僧日前也向人家屋簷下過來曰回互不回互師曰不回互曰教某甲向甚麼處去師曰栗畬裏去僧噓一聲曰珍重便坐脫師拄杖敲頭三下曰汝祇

解與麼去不解與麼來○僧問相逢不拈出舉意便知有時如何師乃合掌頂戴○問僧作甚麼來曰孝順和尚來師曰世間甚麼物最孝順僧無對○上堂有一人在千人萬人中不肯一人不向

貴三

五

一人你道此人具何面目雲居出曰某甲叅堂去○師有時曰體得佛向上事方有些子語話分僧問如何是語話師曰語話時聞黎不聞曰和尚還聞否師曰不語話時即聞○問和尚出世幾人

行鳥

肯師曰並無一人肯曰爲甚麼並無一人肯師曰爲他個個氣宇如王○師問講維摩經僧曰不可以智知不可以識識喚作甚麼語曰讚法身語師曰喚作法身早是讚也○僧問亡僧遷化向甚麼處去師曰火後一莖茆○問師尋常教學人行鳥道師曰不逢一人曰如何行師曰直須足下無私去曰祇如行鳥道莫便是本來面目否師曰聞黎因甚顛倒曰甚麼處是學人顛倒師曰若不

卷五

顛倒因甚麼却認奴作郎曰如何是本
來面目師曰不行鳥道○師與密師伯
過水乃問過水事作麼生伯曰不濕脚
師曰老老大大作這個語話伯曰你又
作麼生師曰脚不濕○師洗鉢次見兩
鳥爭蝦蟆有僧便問這個因甚麼到恁
麼地師曰祇爲闍黎僧問三身之中
阿那身不墮衆數師曰吾常於此切持此問曹山先師道吾常於此切意作
歷生山云要頭便研去又問雪峰峰以
社杖劈上打云我亦曾到洞山來師作五位君臣頌曰

頌

正中偏三更初夜月明前莫恠相逢不
相識隱隱猶懷舊日嫌偏中正失曉老
婆逢古鏡分明覩面別無真休更迷頭
猶認影正中來無中有路隔塵埃但能
不觸當今諱也勝前朝斷舌才兼中至

偈三

六

兩刃交鋒不須避好手猶如火裏蓮宛
然自有冲天志兼中到不落有無誰敢
和人人盡欲出常流折合還歸炭裏坐
○上堂向時作麼生奉時作麼生功時
作麼生共功時作麼生功功時作麼生

僧問如何是向師曰喫飯時作麼生曰
如何是奉師曰背時作麼生曰如何是
功師曰放下饅頭時作麼生曰如何是
共功師曰不得色曰如何是功功師曰
不共乃示頌曰向聖主由來法帝堯御

功勳
五位
并項

人以禮曲龍腰有時鬧市頭邊過到處
文明賀聖朝奉淨洗濃粧烏阿誰子規
聲裏勸人歸百花落盡啼無盡更向亂
峰深處啼功枯木花開劫外春倒騎玉
象赴麒麟而今高隱千峰外月皎風清

寶藏
三

好口辰共功衆生諸佛不相侵山自高
兮水自深萬別千差明底事鷓鴣啼處
百花新功功頭角纔生已不堪擬心求
佛好羞慚迢迢空劫無人識肯向南詢
五十三○師因曹山辭遂囑曰吾在雲

賞三

七

巖先師處親印寶鏡三昧事窮的要今
付於汝詞曰如是之法佛祖密付汝今
得之宜善保護銀筵盛雪明月藏鷲類
之弗齊混則知處意不在言來機亦赴
動成窠臼差落頑佇背觸俱非如火

聚但形文彩即屬染污夜半正明天曉
不露爲物作則用拔諸苦雖非有爲不
是無語如臨寶鏡形影相覩汝不是渠
渠正是汝如世嬰兒五相完具不去不
來不起不住婆婆和有句無句終不

得物語未正故重离六爻偏正回互疊
而爲三變盡成五如莖草味如金剛杵
正中妙挾敲唱雙舉通宗通塗挾帶挾
路錯然則吉不可犯汙天真而妙不屬
迷悟因緣時節寂然昭著細入無間大

絕方所毫忽之差不應律呂今有頓漸
緣立宗趣宗趣分矣即是規矩宗通趣
極真常流注外寂中搖係駒伏鼠先聖
悲之爲法檀度隨其顛倒以緇爲素顛
倒想滅肯心自許要合古轍請觀前古

佛道垂成十劫觀樹如帛之缺如馬之
帛以爲下劣寶几珍御以有驚異狸奴
白牯弄以巧力射中百步箭鋒相直巧
力何預木人方歌石女起舞非情識到
寧容思慮臣奉於君子順於父不順非

三種

孝不奉非輔潛行密用如愚若魯但能相續名主中主○師又曰末法時代人多乾慧若要辨驗真偽有三種滲漏一曰見滲漏機不離位墮在毒海二曰情滲漏滯在向背見處偏枯三曰語滲漏

賞三

的變

究妙失宗機昧終始濁智流轉於此三種子宜知之又綱要偈三首一敲唱俱行偈曰金針雙鎖備叶路隱全該寶印當風妙重重錦縫開二金鎖玄路偈曰交互明中暗功齊轉覺難力窮志進退

後前

金鎖網鞵鞵三不墮凡聖亦名理偈曰事理俱不涉回照絕幽微背風無巧拙電火爍難追問僧世間何物最苦曰地獄最苦師曰不然在此衣線下不明大事是名最苦○問僧名甚麼曰某甲

師曰阿那個是闍黎主人公曰見祇對次師曰苦哉苦哉今時人例皆如此祇認得驢前馬後底將爲自己佛法平沉此之是也賓中主尚未分如何辨得主中主僧便問如何是主中主師曰闍黎

自道取曰某甲道得即是賓中主某甲道得不如何是主中主師曰恁麼是賓中主道即易相續也大難遂示頌曰嗟見今時學道流千千萬萬認門頭恰似入京朝聖主祇到潼關便即休

賞三

九

辨曹山本寂禪師尋謁洞山山問闍黎名甚麼師曰本寂山曰那個禪師曰不名本寂山深器之自此入室盤桓數載乃辭去山遂密授洞山宗旨復問曰子向甚麼處去師曰不變異處去山曰不變

真在

異處豈有去邪師曰去亦不變異○遂往曹谿禮祖塔回吉水衆嚮師名乃請開法師志慕六祖遂名山爲曹師因僧問五位君臣旨訣師曰正位即空界本來無物偏位即色界有萬象形正中偏者背理就事偏中正者舍事入理無帶者冥應衆緣不墮諸有非染非淨非正非偏故曰虛玄大道無著真宗從上先德推此一位最妙最玄當詳審辨明君爲正位臣爲偏位臣向君是偏中正君

視臣是正中偏君臣道合是兼帶語僧
又問如何是君師曰妙德尊寰宇高明
朗太虛曰如何是臣師曰靈機弘聖道
真智利羣生曰如何是臣向君師曰不
墮諸異趣凝情望聖容曰如何是君視

臣師曰妙容雖不動光燭本無偏曰如
何是君臣道合師曰渾然無内外和融
上下平師又曰以君臣偏正言者不欲
犯中故臣稱君不敢斥言是也此吾法
宗要乃作偈曰學者先須識自宗莫將

國語

真際雜頑空妙明體盡知傷觸力在逢
緣不借中出語真教燒不著潛行須與
古人同無身有事超岐路無事無身落
始終復作五相并偈○白衣須拜相此
事不爲奇積代替纓者休言落魄時○

賞三

十

子時當正位明正在君臣未離梵率界
鳥雞雪上行○○酸裏寒氷結楊花九月
飛泥牛吼水面木馬逐風嘶○王宮初
降日玉兔不能離未得無功盲人天何
太遲●渾然藏理事朕兆卒難明威音

三
攝

王未曉彌勒豈惺惺○稠布納問披毛帶角是甚麼墮師曰是類墮曰不斷聲色是甚麼墮師曰是隨墮曰不受食是甚麼墮師曰是尊貴墮乃曰食者即是本分事知有不取故曰尊貴墮若執初

心知有自己及聖位故曰類墮若初心知有已事回光之時擯却色聲香味觸法得寧謐即成功勲後却不執六塵等事隨分而昧任之則礙所以外道六師是汝之師彼師所墮汝亦隨墮乃可取

攝

三

十一

五
攝

食食者即是正命食也亦是就六根門頭見聞覺知祇是不被染汙將為墮且不是同向前均他本分事尚不取豈況其餘事耶師凡言墮謂混不得類不齊凡言初心者所謂悟了同未悟耳師作四禁偈曰莫行心處路不挂本來衣何須正恁麼切忌未生時僧問學人通身是病請師醫師曰不醫曰為甚麼不醫師曰教汝求生不得求死不得問五位對賓時如何師曰汝即今問那個

位曰某甲從偏位中來請師向正位中
接師曰不接曰爲甚麼不接師曰恐落
偏位中去師却問僧祇如不接是對賓
是不對賓曰早是對賓了也師曰如是
如是○問三界擾擾六趣昏昏如何辨

色

色師曰不辨色曰爲甚麼不辨色師曰
若辨色即昏也○師聞鐘聲乃曰阿哪
阿哪僧問和尚作甚麼師曰打著我心
僧無對五祖戒代云○師問金峰志曰
作甚麼來曰蓋屋來師曰了也未曰這

齊

邊則了師曰那邊事作麼生曰候下工
日白和尚師曰如是如是○師一日入
僧堂向火有僧曰今日好寒師曰須知
有不寒者曰誰是不寒者師焚火示之
僧曰莫道無人好師拋下火僧曰某甲

到這裏却不曾師曰日照寒潭明更明
○問幻本何真師曰幻本元真法眼別
不曰當幻何顯師曰即幻即顯法眼別
無曰恁麼則始終不離於幻也師曰覓
幻相不可得○僧問清稅一作孤貧乞

師賑濟師召稅關黎稅應諾師曰清原
白家酒三盞喫了猶道未沾唇甚麼處
是與心 ⑤鏡清問清虛之理畢竟無身
時如何師曰理即如此事作麼生曰如
理如事師曰謾曹山一人即得爭奈諸

道

上

聖眼何曰若無諸聖眼爭鑒得個不恁
麼師曰官不容針私通車馬 ⑥僧問子
歸就父爲甚麼父全不顧師曰理合如
是曰父子之恩何在師曰始成父子之
恩曰如何是父子之恩師曰刀斫不開

⑦問雪覆千山爲甚麼孤峰不白師曰
須知有異中異曰如何是異中異師曰
不墮諸山色 ⑧問世間甚麼物最貴師
曰死貓兒頭最貴曰爲甚麼死貓兒頭
最貴師曰無人著價 ⑨問僧作甚麼曰

掃地師曰佛前掃佛後掃曰前後一時
掃師曰與曹山過數鞋來 ⑩僧問抱璞
投師請師雕琢師曰不雕琢曰爲甚麼
不雕琢師曰須知曹山好手 ⑪紙衣道
者來參師問莫是紙衣道者否者曰不

事變

敢師曰如何是紙衣下事者曰一裘纔掛體萬法悉皆如師曰如何是紙衣下用者近前應諾便立脫師曰汝祇解恁麼去何不解恁麼來者忽開眼問曰一靈真性不假胞胎時如何師曰未是妙

賞三

十三

者曰如何是妙師曰不借借者珍重便化師示頌曰覺性圓明無相身莫將知見妄疎親念異便於玄體昧心差不與道爲隣情分萬法沉前境識鑒多端喪本真如是句中全曉會了然無事昔時

井驪

人④師問強上座曰佛真法身猶若虛空應物現形如水中月作麼生說個應底道理曰如驢觀井師曰道則太煞道祇道得八成曰和尚又如何師曰如井觀驢⑤陸亘大夫問南泉姓甚麼泉曰

驪

姓王曰王還有眷屬也無泉曰四臣不昧曰王居何位泉曰王殿苔生後僧舉問師玉殿苔生意旨如何師曰不居正位曰八方來朝時如何師曰他不受禮曰何用來朝師曰違則斬曰違是臣分

藥

上未審君意如何師曰樞密不得旨曰
恁麼則變理之功全歸臣相也師曰你
還知君意麼曰外方不敢論量師曰如
是如是④僧問香嚴如何是道嚴曰枯
木裏龍吟曰如何是道中人嚴曰鶻鶻

裏眼睛

龍玄沙別云
龍藏枯木

僧不領乃問石霜如

何是枯木裏龍吟霜曰猶帶喜在曰如
何是鶻鶻裏眼睛霜曰猶帶識在又不
領乃問師如何是枯木裏龍吟師曰血
脉不斷曰如何是鶻鶻裏眼睛師曰乾

永樂北藏

禪宗正脉

不盡曰未審還有得聞者麼師曰盡大
地未有一人不聞曰未審枯木裏龍吟
是何章句師曰不知是何章句聞者皆
喪遂示偈曰枯木龍吟真見道鶻鶻無
識眼初明喜識盡時消息盡當人那辨

賞三

十四

濁中清⑤問朗月當空時如何師曰猶
是堦下漢曰請師接上堦師曰月落後
來相見⑥問靈衣不挂時如何師曰曹
山孝滿曰孝滿後如何師曰曹山好顛
酒

第一九三册

雲居道膺禪師遊方至翠微問道會有僧

自豫章來盛稱洞山法席師遂造焉山問甚處來師曰翠微來山曰翠微有何言句示徒師曰翠微供養羅漢某甲問供養羅漢羅漢還來否微曰你每日噉

正綱

個甚麼山曰實有此語否師曰有山曰不虛叅見作家來山問汝名甚麼師曰道膺山曰向上更道師曰向上即不名道膺山曰與老僧抵對道吾底語一般

南泉問僧講甚麼經曰彌勒下生經

送禪

泉曰彌勒幾時下生曰見在天宮當來下生泉曰天上無彌勒地下無彌勒師問洞山天上無彌勒地下無彌勒未審誰與安名山被問直得禪牀震動乃曰膺聞黎吾在雲巖曾問老人直得火爐

實三

十五

震動今日被子一問直得通身汗流○師後結庵于三峰經旬不赴堂山問子近日何不赴齋師曰每日自有天神送食山曰我將謂汝是個人猶作這個見解在汝晚間來師晚至山召膺庵主師

帶

應諾山曰不思善不思惡是甚麼師回庵寂然宴坐天神自此竟尋不見如是三日乃絕○上堂得者不輕微明者不賤用識者不咨嗟解者無厭惡從天降下則貧窮從地湧出則富貴門裏出身

易身裏出門難動則埋身千丈不動則當處生苗一言迴脫獨拔當時言語不要多多則無用處僧問如何是從天降下則貧窮師曰不貴得曰如何是從地湧出則富貴師曰無中忽有○僧問如

想

生

何是一法師曰如何是萬法曰未審如何領會師曰一法是你本心萬法是你本性且道心與性是一是二僧禮拜師示頌曰一法諸法宗萬法一法通唯心與唯性不說異兼同○師曾令侍者送

袴與一住庵道者道者曰自有孃生袴竟不受師再令侍者問孃未生時著個甚麼道者無語後遷化有舍利持似於師師曰直饒得八斛四斗不如當時下得一轉語好○僧問山河大地從何而

特
羴

有師曰夜妄想有曰與某甲想出一錠
金得麼師便休去僧不肖雲門云已是
弟膝不能折
三貫錢買個獵狗祇解尋得有蹤跡底
忽遇羴羊挂角莫道蹤跡氣息也無僧

賞三

十六

問羴羊挂角時如何師曰六六三十六
曰挂角後如何師曰六六三十六僧禮
拜師曰會麼曰不會師曰不見道無蹤
跡其僧舉似趙州州曰雲居師兄猶在
僧便問羴羊挂角時如何州曰九九八

十一日得恁麼難會州曰有甚麼難會
曰請和尚指示州曰新羅新羅又問長
慶羴羊挂角時如何慶曰草裏漢曰挂
後如何慶曰亂叫喚曰畢竟如何慶曰
驢事未去馬事到來○僧問教中道是

人先世罪業應墮惡道以今世人輕賤
故此意如何師曰動則應墮惡道靜則
為人輕賤崇壽獨別云心外有法應墮
惡道守住自己為人輕賤
○有僧在房內念經師隔窓問闍黎念
者是甚麼經僧曰維摩經師曰不問維

管營

信遊翳

摩經念者是甚麼經其僧從此得入
新羅僧問是甚麼得恁麼難道師曰有
甚麼難道曰便請和尚道師曰新羅新
羅○上堂僧家發言吐氣須有來由莫
將等閒這裏是甚麼所在爭受容易凡

卷三

十七

問個事也須識些子好惡若不識尊卑
良賤不知觸犯信口亂道也無利益傍
家行脚到處覓相似語所以尋常向兄
弟道莫恠不相似恐同學太多去第一
莫將來將來不相似言語也須看前頭

結語

八十老人入場屋不是小兒嬉不是因
循事一言參差即千里萬里難為取攝
蓋為學處不著力敲骨打髓須有來由
言語如鉗如夾如鉤如鎖須教相續不
斷始得頭頭上具物物上明豈不是得
妙底事一種學大須子細研窮直須諦
當的無差到這裏有甚麼蹉跎處有
甚麼擬議處向去底人常須悚慄戢翼
始得若是知有底人自解護惜終不取
次十度發言九度休去為甚麼如此恐

怕無利益體得底人心如臘月扇子直
得口邊唾出不是強爲任運如此欲得
恁麼事須是恁麼人既是恁麼人不愁
恁麼事恁麼事即難得○上堂汝等諸
人直饒學得佛邊事早是錯用心不見

學佛
事

古人講得天花落石點頭亦不干自己
事自餘是恁麼閑○擬將有限身心向
無限中用如將方木逗圓孔多少諍訛
若無恁麼事饒你攢花簇錦亦無用處
未離情識在一切事須向這裏及盡若

好居
山

有一毫去不盡即被塵累豈況更多差
之毫釐過犯山嶽不見古人道學處不
玄盡是流俗閨閣中物捨不得俱爲滲
漏直須向這裏及取及去及來併盡一
切事始得無過如人頭頭上了物物上

賞三

十六

通祇喚作了事人終不喚作尊貴將知
尊貴一路自別不見道從門入者非寶
捧上不成龍知麼○僧問僧家畢竟如
何師曰居山好僧禮拜師曰你作麼生
會曰僧家畢竟於善惡生死逆順境界

其心如山不動師乃打曰孤負先聖喪
我兒孫又問傍僧你作麼生會僧禮拜
曰僧家畢竟眼不觀玄黃之色耳不聽
絲竹之聲師曰孤負先聖喪我兒孫黃龍
南云作麼生道得一句不孤負先聖喪
我兒孫右人道得到處青山無非道場

若道不待有寒暑兮促
君壽有鬼神兮妬君福

增收

嶺南疎山匡仁禪師造洞山師問一切處不乖
時如何山曰闍黎此是功勳邊事幸有
無功之功子何不問師曰無功之功豈
不是邦邊人山曰大有人笑子恁麼問

潭州大霧

師曰恁麼則迢然去也山曰迢然非迢
然非不迢然師曰如何是迢然山曰喚
作那邊人即不得師曰如何是非迢然
山曰無辨處○山問師空劫無人家是
甚麼人住處師曰不識山曰人還有意

賞三

十九

旨也無師曰和尚何不問它山曰現問
次師曰是何意旨山不對泊洞山順世
弟子禮終乃到潭州大霧值為示眾曰
行脚高士直須向聲色裏睡眠聲色裏
坐卧始得師出問如何是不落聲色句

為堅起拂子師曰此是落聲色句為放下拂子歸方丈師不契便辭香嚴嚴曰何不只住師曰某甲與和尚無緣嚴曰有何因緣試舉看師遂舉前話嚴曰某甲有個語師曰道甚麼嚴曰言發非聲色前不物師曰元來此中有人遂囑香嚴曰向後有住處某甲却來相見乃去為問嚴曰問聲色話底矮閣黎在麼嚴曰已去也為曰曾舉向子麼嚴曰某甲亦曾對它來為曰試舉看嚴舉前語為

淨大衆

曰他道甚麼嚴曰深肯某甲為失笑曰我將謂這矮子有長處元來祇在這裏此子向去若有個住處近山無柴燒近水無水喫○師聞福州大為安和尚示衆曰有句無句如藤倚樹師特入嶺到

事

彼值為泥壁便問承聞和尚道有句無句如藤倚樹是否為曰是師曰忽遇樹倒藤枯句歸何處為放下泥簁呵呵大笑歸方丈師曰某甲三千里賣却布單特為此事而來和尚何得相弄為喚侍

世明

者取二百錢與這上座去遂囑曰向後有獨眼龍爲子點破在瀉山次日上堂師出問法身之理理絕玄微不奪是非之境猶是法身邊事如何是法身向上事瀉舉起拂子師曰此猶是法身邊事

賞三

干

剪

何言句師舉前話招曰瀉山可謂頭正尾正祇是不遇知音師亦不省復問忽遇樹倒藤枯句歸何處招曰却使瀉山笑轉新師於言下大悟乃曰瀉山元來笑裏有刀遙空禮拜悔過招一日問虎生七子那個無尾巴師曰第七個無尾巴頌古見明○師到夾山山上堂師問承師有言目前無法意在目前如何是非目前法山曰夜月流輝澄潭無影師作掀禪牀勢山曰闍黎作麼生師曰

法身

師曰目前無法了不可得山曰大衆看取這一員戰將師後還踈山上堂病僧感通年前會得法身邊事感通年後會得法身上事雲門出問如何是法身邊事師曰枯椿曰如何是法身上

賞三

二五

事師曰非枯椿曰還許某甲說道理也無師曰許曰枯椿豈不是明法身邊事師曰是曰非枯椿豈不是明法身上事師曰是曰祇如法身還該一切也無師曰法身周徧豈得不該門指淨瓶曰

法身

祇如淨瓶還該法身麼師曰關黎莫向淨瓶邊覓門便禮拜○師問鏡清肯諾不得全子作麼生會清曰全歸肯諾師曰不得全又作麼生清曰個中無肯路師曰始慙病僧意○有僧爲師造壽塔

畢白師師曰將多少錢與匠人曰一切在和尚師曰爲將三錢與匠人爲將兩錢與匠人爲將一錢與匠人若道得與吾親造塔來僧無語後僧舉似大嶺庵閑和尚即羅山也嶺曰還有人道得麼僧曰

未有人道得嶺曰汝歸與疎山道若將三錢與匠人和尚此生決定不得塔若將兩錢與匠人和尚與匠人共出一隻手若將一錢與匠人累他匠人眉鬚墮落僧回如教而說師具威儀望大嶺作

禮嘆曰將謂無人大嶺有古佛放光射到此間雖然如是也是臘月蓮花大嶺後聞此語曰我恁麼道早是龜毛長三尺僧問如何是諸佛師師曰何不問疎山老漢僧無對師常握木蛇有僧

問手中是甚麼師提起曰曹家女須冬至上堂僧問如何是冬來意師曰京師出大黃

謂青林師虔禪師上堂祖師門下烏道玄微功窮皆轉不究難明汝等諸人直須離

賞三

二十三

心意識參出凡聖路學方可保任若不

謂

高安白水仁禪師因設先洞山忌齋僧問

供養先師先師還來也無師曰更下一分供養著上堂老僧尋常不欲向聲

前色後鼓弄人家男女何故且聲不是
聲色不是色僧問如何是聲不是聲師
曰喚作色得麼曰如何是色不是色師
曰喚作聲得麼僧作禮師曰且道爲汝
說荅汝話若向這裏會得有個入處○

僧問如何是不遷義師曰落花隨流水
明月上孤峰

白馬儒禪師僧問如何是學人本分事師
曰昨夜三更月正午問如何是法身向
上事師曰井底蝦蟇吞却月

洞龍牙居遁禪師問師問翠微如何是祖
師意微曰與我將禪板來師遂過禪板
微接得便打師曰打即任打要且無祖
師意又問臨濟如何是祖師意濟曰與
我將蒲團來師乃過蒲團濟接得便打

賞三

二十三

師曰打即任打要且無祖師意後有僧
問和尚行脚時問二尊宿祖師意未審
二尊宿明也未師曰明即明也要且無
祖師意問師復舉德山頭落底語因自
省過遂止于洞山隨衆叅請一日問如

透祖佛

何是祖師西來意山曰待洞水逆流即向汝道師始悟厥旨○上堂夫叅玄人須透過祖佛始得新豐和尚道祖佛言教似生冤家始有叅學分若透不得即被祖佛謾去僧問祖佛還有謾人之心也無師曰汝道江湖還有礙人之心也無乃曰江湖雖無礙人之心爲時人過不得江湖成礙人去不得道江湖不礙人祖佛雖無謾人之心爲時人透不得祖佛成謾人去不得道祖佛不謾人

若透得祖佛過此人過却祖佛若也如是始體得佛祖意方與向上人同如未透得但學佛學祖則萬劫無有出期僧曰如何得不被祖佛謾去師曰道者直須自悟去始得○問十二時中如何着力師曰如無手人欲行拳始得○問如何是祖師西來意師曰待石烏龜解語即向汝道曰石烏龜語也師曰向汝道甚麼○問古人得個甚麼便休去師曰如賊入空室○問如何是西來意師曰

此一問最苦

報應云此
一問最好

問華嚴靜禪師在洛浦作維那時一日白槌
普請曰上間般柴下間鋤地第一座問
聖僧作甚麼師曰當堂不正坐不赴兩
頭機○師問洞山學人無個理路未免

黃三

王四

情識運爲山曰汝還見有理路也無師
曰見無理路山曰甚麼得情識來師曰
學人實明山曰恁麼則直須向萬里無
寸草處去師曰萬里無寸草處還許某
甲去也無山曰直須恁麼去○後唐莊

宗問祖意教意是同是別師曰探盡龍
宮藏衆義不能詮

錄九峰滿禪師僧問人人盡道請益未審師
還拯濟也無師曰汝道巨嶽還乏寸土
麼曰四海叅尋當爲何事師曰演若迷

頭心自狂曰還有不狂者也無師曰有
曰如何是不狂者師曰突曉途中眼不
開問僧近離甚麼曰閩中師曰遠涉
不易曰不難動步便到師曰有不動步
者麼曰有師曰爭得到此問僧無對師

以拄杖趂出○僧問古人道真因妄立
從妄顯真是否師曰是曰如何是真師
曰不雜食曰如何是妄師曰起倒攀緣
曰去此二途如何合得圓常師曰不教
功德天誰嫌黑暗女

賞三

十五

湖南北院通禪師上堂諸上座有甚麼事出來
論量取若上上根機不假如斯若是中
下之流直須剗剗門頭戶底教索索地
莫教入泥水第一速須省事直須無心
去學得千般萬般祇成知解與衲僧門

下有甚麼交涉

湖南洞山全禪師問先洞山如何是出離之要
山曰闍黎足下烟生師當下契悟更不
它遊雲居進語曰終不敢孤負和尚足
下烟生山曰步步玄者即是功到聖下僧

問清淨行者不入涅槃破戒比丘不入
地獄時如何師曰度盡無遺影還它越
涅槃頌見聯珠
集第一卷

湖南京兆規子和尚混俗闍川不畜道具不
循律儀冬夏唯披一衲逐日沿江岸採

撥蝦蟇以充其腹暮即宿東山白馬廟
紙錢中居民目爲蜆子和尚華嚴淨禪
師聞之欲決真假先潛入紙錢中深夜
師歸嚴把住曰如何是祖師西來意師
遽荅曰神前酒室盤嚴放手曰不虛與

我同根生

^俗幽棲道幽禪師鏡清問如何是少父師曰
無標的曰無標的以爲少父邪師曰有
甚麼過曰祇如少父作麼生師曰道者
是甚麼心行①一日飲鐘上堂大衆纔

集師乃問甚麼人打鐘僧曰維那師曰
近前來僧近前師遂打一掌却歸方丈

卧②

^蜀越州乾峰和尚③上堂法身有三種病二
種光須是一一透得始解歸家穩坐須

賞三

二十六

知更有向上一竅在雲門出問庵內人
爲甚麼不知庵外事師呵呵大笑明曰
猶是學人疑處師曰子是甚麼心行門
曰也要和尚相委師曰直須與麼始解
穩坐門應喏喏④上堂舉一不得舉二

放過一著落在第二雲門出衆曰昨日
有人從天台來却徃徑山去師曰典座
衆日不得普請便下座僧問十方薄
伽梵一路涅槃門未審路頭在甚麼處
師以往杖畫云在這裏僧後請益雲門
東海鯉魚打一棒而似傾盆會麼
弟子鯉魚上三十三大葉普帝釋鼻孔
吉州禾山和尚僧問學人欲伸一問師還
荅否師曰禾山荅汝了也
天童啓禪師簡大德問學人卓卓上來
請師的師曰我這裏一衲便了有甚

麼卓卓的日和尚恁麼荅話更買草
鞋行脚好師曰近前來簡近前師曰祇
如老僧恁麼荅過在甚麼處簡無對師
便打
欽山文邃禪師師與巖頭雪峰同到德
賞三
山一日問德山曰天皇也恁麼道龍潭
也恁麼道未審和尚作麼生道山曰汝
試舉天皇龍潭道底看師擬進語山便
打師被打歸延壽堂曰是則是打我太
煞巖頭曰汝恁麼道他後不得道見德

簡茶

山來法眼別云是則是錯打我○師與巖頭雪峰坐次洞山行茶來師乃開眼洞曰甚麼處去來曰入定來洞曰定本無門從何而入○師與巖頭雪峰過江西到一茶店喫茶次師曰不會轉身通氣者不得茶喫頭曰若恁麼我定不得茶喫峰曰某甲亦然師曰這兩個老漢話頭也不識頭曰甚麼處去也師曰布袋裏老鴉雖活如死頭退後曰看看師曰歲公且置存公作麼生峰以手畫一圓相師曰不得

附錄

不問頭呵呵曰太遠生師曰有口不得茶喫者多巨良良禪客來禮拜了便問一鑊破三關時如何師曰放出關中主看良曰恁麼則知過必改師曰更待何時良曰好隻箭放不著所在便出去師曰且來開黎良回首師下禪牀擒住曰一鑊破三關即且置試爲欽山發箭看良擬議師打七棒曰且聽個亂統漢疑三十年有僧舉似同安察安曰良公雖解發箭要且未中的僧便問未審如

何得中的去安曰關中主是甚麼人僧
回舉似師師曰良公若解恁麼也免得
欽山口然雖如此同安不是好心亦須
看始得

洞山延禪師因曹山垂語云有一人向萬

堂三

天

丈崖頭騰身直下此是甚麼人衆無對
師出曰不存山曰不存個甚麼師曰始
得撲不碎山深肯之

金峰從志禪師拈起枕子示僧曰一切
人喚作枕子金峰道不是僧曰未審和

尚喚作甚麼師拈起枕子僧曰恁麼則
依而行之師曰你喚作甚麼僧曰枕子
師曰落在金峰窠裏僧問是身無知
如土木石此意如何師下禪牀扭僧耳
朵僧負痛作聲師曰今日始捉著個無

知漢僧作禮出去師召關黎僧回首師
曰若到堂中不可舉著曰何故師曰大
有人笑金峰老婆心○上堂老僧二十
年前有老婆心二十年後無老婆心僧
問如何是二十年前有老婆心師曰問

凡荅凡問聖荅聖曰如何是二十年後
無老婆心師曰問凡不荅凡問聖不荅
聖○僧問四海晏清時如何師曰猶是
階下漢

蜀山

鹿門真禪師上堂一片凝然光燦爛擬意

堂三

主

追尋卒難見瞥然撞著豁人情大事分
明總成辨實快活無繫絆萬兩黃金終
不換任它千聖出頭來總是向渠影中
現

蜀山

曹山霞禪師○僧問佛未出世時如何師

曰曹山不如曰出世後如何師曰不如
曹山頌僧侍立師曰道者可煞熱曰是
師曰祇如熱向甚處回避曰向鑊湯鑪
炭裏回避師曰祇如鑊湯鑪炭又作麼
生回避曰衆苦不能到

蜀山

曹山亦名光慧禪師○僧問如何是西來

的的意師曰不禮拜更待何時○上堂
舉拄杖曰從上皆留此一路方便接人
有僧出曰和尚又是從頭起也師曰謝
相委悉

曹山智炬禪師初問先曹山曰古人提起
那邊人學人如何體悉山曰退步就已
萬不失一師於言下頓忘玄解乃辭去
徧參至三祖因看經次僧問禪僧心不
挂元字腳何得多學師曰文字性異法

法體空迷則句句瘡疣悟則文文般若
苟無取捨何害圓伊

育王通禪師僧問如何是和尚家風師
曰渾身不直五文錢曰太貧寒生師曰
古代如是曰如何施設師曰隨家豐儉

鳳樓同安丕禪師僧問如何是和尚家
風師曰金雞抱子歸霄漢玉兔懷胎入
翠微曰忽遇客來將何祗待師曰金果
朝來猿摘去玉花晚後鳳銜歸○問路
逢達道人將語默對未審將甚麼對

卷三

三十

師曰要踢要拳○問纔有言詮盡落今
時不落言詮請師直說師曰木人解語
非干舌石女拋梭豈亂絲問依經解
義三世佛冤離經一字即同魔說此理
如何師曰孤峰迴秀不生烟蘿片月行

空白雲自在○新到叅師問甚處來曰
湖南師曰還知同安這裏風雲體道花
檻旋璣麼曰知師曰非公境界僧便喝
師曰短販樵人徒誇書劒僧擬進語師
曰劒甲未施賊身已露

^望歸宗懷惲禪師○僧問截水停輪時如何
師曰磨不轉曰如何是磨不轉師曰不
停輪

^望嵇山章禪師在投子作柴頭投子同喫茶
次謂師曰森羅萬象總在裏許師潑却

茶曰森羅萬象在甚麼處子曰可惜一
椀茶

^望雲居懷嶽禪師僧問如何是大圓鏡師曰
不鑒照曰忽遇四方八面來時作麼生
師曰胡來胡現漢來漢現曰大好不鑒

普三

三十一

照師便打

^望杭州佛日本空禪師○叅夾山山一日普
請維那令師送茶師曰某甲爲佛法來
不爲送茶來那曰奉和尚處分師曰和
尚尊命即得乃將茶去作務處搖茶甌

作聲山回顧師曰醺茶三五盞意在鏤頭邊山曰餅有傾茶勢籃中幾個甌師曰餅有傾茶勢籃中無一甌便行茶時衆皆舉目師曰大衆鶴望請師一言山曰路逢死蛇莫打殺無底籃子盛將歸師曰手執夜明符幾個知天曉山曰大衆有人也歸去來歸去來遂住普請衆皆仰嘆

^解永光真禪師上堂言鋒若差鄉關萬里直須懸崖撒手白肯承當絕後再蘇欺君

不得非常之盲人焉度哉

^解朱谿謙禪師韶部國師到叅次聞犬咬靈鼠聲國師便問是甚麼聲師曰犬咬靈鼠聲國師曰既是靈鼠爲甚麼却被犬咬師曰咬殺也國師曰好個犬師便打

國師曰莫打某甲話在師休去

^解雲居簡禪師僧問維摩豈不是金粟如來師曰是曰爲甚麼却在釋迦會下聽法師曰他不擔人我問路逢猛虎時如何師曰千人萬人不逢爲甚麼闍黎偏

逢^問孤峰獨宿時如何師曰閑却七
間僧堂不宿阿誰教汝孤峰獨宿

^聖新羅雲住和尚^問僧問如何是諸佛師師

曰文殊聳耳^{收增}

^在護國寺澄淨果禪師上堂諸方老宿盡在

堂三

三十二

曲录木牀上爲人及有閑著祖師西來
意未曾有一人當頭道著時有僧問請
和尚當頭道師曰河北驢鳴河南犬吠
^問鶴立枯松時如何師曰地下底一
場懺懺問會昌沙汰時護法善神向甚

麼處去師曰三門前兩個一場懺懺問
滴水滴凍時如何師曰日出後一場懺
懺

^在靈泉

歸仁禪師初問疎山枯木生花始與
他合是這邊句是那邊句山曰亦是這

邊句師曰如何是那邊句山曰石牛吐
出三春霧靈雀不棲無影林○僧問如
何是沙門行師曰恰似個屠兒曰如何
行履師曰破齋犯戒曰究竟作麼生師
曰因不收果不入○俗士問俗人還許

會佛法否師曰那個臺無月誰家樹不春

^三疎山證禪師謁授子子問近離甚處曰延

平子曰還將得劬來麼曰將得來子曰呈似老僧看師乃指面前地子便休至

卷之三

三十三

晚問侍者新到在麼者曰當時去也子曰三十年美馬騎今日被驢撲○僧問親切處乞一言師以拄杖敲之僧曰爲甚麼不道師曰得恁麼不識好惡

^三百丈安禪師僧問如何是極則處師曰空

王殿裏登九五野老門前不立人

^三黃檗慧禪師少出家業經論因增受苦歷

^三戒而歎曰大士攝律儀與吾本受聲聞

戒俱止持作犯也然於篇聚增減支本通別制意且殊既微細難防復於攝善

中未嘗行於少分况饒益有情乎且世間泡幻身命何可留戀哉由是置講課欲以身捐於水中飼鱗甲之類念已將行偶二禪者接之款話說南方頗多知識何滯於一隅師從此回志直造疎山

①時仁和尚坐法堂受叅師先碩視大衆然後致問曰刹那便去時如何山曰畱塞虛空汝作麼生去師曰畱塞虛空不如不去山便休師下堂叅第一座座曰適來祇對甚奇特師曰此乃率爾敢

望慈悲開示愚昧座曰一刹那間還有擬議否師於言下頓悟

伏龍禪師僧問和尚還愛財色也無師曰愛曰既是善知識爲甚麼却愛財色師曰知恩者少○問如何是和尚家風

師曰長齋冷飯曰太寂寞生師曰僧家合如是

京兆三相和尚僧問如何是無縫塔師曰覓縫不得曰如何是塔中人師曰對面不相見

卷三

三十四

廣德延禪師僧問如何是透法身句師

曰無力登山水茅戶絕知音

石門蘊禪師初問青林如何用心得齊於諸聖林仰面良久曰會麼師曰不會林曰去無子用心處師禮拜乃契悟更不

不勤
如

他遊遂作園頭一日歸侍立次林曰子
今日作甚麼來師曰種菜來林曰徧界
是佛身子向甚麼處種師曰金鉏不動土
靈苗在處生林欣然來日入園喚蘊闍
黎師應諾林曰剗我無影樹留與後人

看師曰若是無影樹豈受我耶林曰不
受我且止你曾見他枝葉麼師曰不曾
見林曰既不曾見爭知不受我師曰祇
為不曾見所以不受我林曰如是如是
○僧問如如不動時如何師曰有甚麼

了日日如何即是師曰石戶非關鎖
問如何是和尚家風師曰物外獨騎千
里象萬年松下擊金鐘
師應機多
稱好大哥
時稱大哥和尚

禪宗正脉卷第十三

永樂北藏

禪宗正脉

第一九三册